



Мэбета вадава" ила' панан' етри' мэква"!

# НЯРЪЯНА

# НЭРМ



№ 18 (5188)  
2024 по'  
май иры'  
4 яля

СУББОТА

ГАЗЕТА 1931 ПО'  
АПРЕЛЬ ИРЫ' ЮКАД ВАТА  
ХАСАВАЮДИМДЕЙ  
ЯЛЯХАД НАДИБЕРҢА

СИ" ИВ ЯЛЯХАНА  
НОПОЙ' СЕРТАБИВА"

Российская Федерация Ямало-Ненецкий автономный округ



Сидяңг: М.Яр' тадтавы

Явм' мадаби"

2

## Тодо" яха"на илена" нэрм' тер" ма"лы"



Сидяңг: М. Яр' тадтавы"



Тикы' нямна вадамбой' надибер"манда газетаканана" падыбаңгуна". Нокханда мат" юркад вата Россияна" тиңгы яхат товыць.

Мале нердена яляха"на выставкыдо' манзаралъядаць. Хусувэй яля минревы серкат етри' панҗась. Хусувэй товы" е"эмняндо' таславы лоходо' танияць, мюняндо' яндо' илам' манэ"лабтамбиць. Тарци" помна җани'

конкурс миҗась. Ёто' нямна җэда лахарюдо' нердена яляхад пайдонзь. Хусувэй хибяри җани няхатата ва"лэй җэван' харвась. Тэри сыртаңэ нянани сямянхат сава «экспозиция» җэ тёняны хаби" нина" сертавым' тасладамзь. Маня" округва" тодо районхат товы" мел' ненэця" манэ"лабтамбидонзь. Хэвнякуна Тасу' яв' янд товы" нина" няби Надымской район' тер" мядо мярвы". Манэ"лабтамбавандидо' тамна нерняна җаць.

Не" е"эмня сертавы мядонди" мядм' җобтики нердена яляхана нэдонзь. Тикамдо' небо' җэвы не" форумхана минре тасладонзь. Выставкахана мято' саць тарана серо минресь. Нюрте"э' харе" тэнзато' җавар" нямна лаханаць. Ханяңы" ненэця" манэ"лабтамбидонзь. Яна" тер

учёной нява" Елена Тимофеевна Пушкарёва небо' җавар" нямна надимдевы книгамда ваде"җась. Җани нидо' җавыдота" җавар манэ"лабтамбиць.

Няби яляхана вадина" лэтрава', нерня' минрева' нямна тасалкурҗаць. Хуркари едэй книга надимдевамдо' ваде"җаць. Паднани" конкурсхана нерня' ха"амвы нидо' манэ"җаваць. Тюку мэвахана не" минрена манзя ненадовна җадись.

Нердена яңорэй' выставкахана лекция таясь. Тикы серм' учёной нява", ненэй ненэцие" сава ня Андрей Головнёв минредась. Пыда вадада Җэрм' ё" нямна җась. Ма"нисяв, хусувэй сава җамгэ" сяхаринда илева' ямбан' Җэрм' я' янд пэңга". Сидя час' пир" мёе вадамда минредась. Ня"амнанда җобтики лаха паднаңгува".

Сайнорта" нина" җани' тензетейдонзь. Выставкан' сайнормы няхаюна", тедари' лекар" мякана юседанаха' товэхэнзь. Небяюди' хэвхананди' мэ"җаханзь. Тарця нина" е"эмня тодо яхана иленаңэ җарка Ассоциациява" ненадо серо минре. Сайнорта ненэцяңг" тарана җавэ ханла җани' җэдалёрҗа". Теда' поңганандо' саюхат ява" җэдабада җока.

(Пеляда 4 стр. җа.)

Марина' Яр' падвы

## Ненэцие нядаби"

Яна" тиңгэвна сайнорма' серкана мал' нядаңгурҗа". Җэрм' тер" нермбэртяңэ тарана" Җарка Ассоциация' тер" җани' варемдо' мэ"җа". Пыдо' яңга проектм' минре". Тикаханандо' ДНР' няби ЛНР' ненэцие нядаби".

Яра' ирыхына небо' Мариуполь март' илаңгана тарана җавори җэдабтавы". Тюку по' сайнорта ненэцие е"эмня есядамдо' ма"ламбавы". Тикаханато' сайнорма' мальҗгана мэ"манда җавори тэмдавы". Волно-ваха маркана илена ненэцие җани' нядабавыдо'. Лекар' мяд' машинаха"на тарана җавэ тэмдавы". «Сайнорта нина" е"эмня хуркари" янд"ма" тара". Маня" тад нерня' тамна нядаңгуртава". Ява" лэтрамбада ненэцие нина" юрыбю". Мято' тер" җобтики янд"масипой" ни" хаёд". Таслаңгува", ханзер" тикы манзяява" тяхасовна тидхалемба пиртава"», - Ассоциация' җэвахана мэна Григорий Ледков лахана.

Тарем' җэрм' тер" ныхыто' пирувна няби я' вэкана сайнорта нидо' нядаби".

Г. Окоэтто'  
падвы

## Ныланава' яляхана

Тадхав' ты" ниць иры пэй". Тандая' ненадо ялям' мэ"җаваць. Россия яна" җардавна нара тован' маймбиваць. Манзарана ненэцие саву"җаваць.

Ямална" җэвахана мэна Дмитрий Артюхов ныланава' ялена" нямна тарем' лаханавы: «Яна" тиңгэвна илена" ненэця" манзаяханандо' ёльце харбё». Сава ил', вэва ил' – ядна" перена җамгэ. Җобкана варева" мэць нерняри' җэхэва". Манзаява" сидна" илебтемби, ё" җардаха" җарамдамби».

Хусувэй хардахана манзарана ненэцие" ед' сава вади мэ"мы". Сямянхат ва"лэй" нидо' яңга ненадумдавыдо'. «Доска Почёта» нубета падарт' Панаевскхана, Новой Портхана, Сёяхахана, Яр-Салыхана мат" ю" сидям' падвы". Сидя по' ямбан' сидяңгадо' тикахана җыдэда". Җани' хардахана тарця" җани' таянь".

Анна Яптик' падвы



## Явм’ мадаби”

**Нара’ няна марыңэ хэванда нер-  
ня Салехардахад Аксарка’ няю’  
ңэда талбэй сехэры’ сидя ядувна ты’  
хадырцеты”. Ханяңэхэна сидя няю’  
ңэдалёда машин” помна мерета «Буран»”  
иртари’ ңэдалёрцеты”. Тики” - пэ” тер”, пыдо’  
по’ сидя вэчна тания’ тэворцеты”. Теда’ ңод” ңани’  
тэтналыд”. Саля’ яв’ салабам’ Пэ” няю’ мадабаңгу”.  
Хахаяда яля’ ңоб” ңэсын’ тэворцаваць.**

Сидя ңарка мяк’ ңарка пэ-  
дара’ хэвхана мярвэхэнзэ. Хэ-  
вувнанди’ хой’ сюмб” ңадиць,  
пэвсюмб” маханяна Харсаим’  
харад’ лэё” ялкадарңаць. Тыдо’  
нё’ няюна хадырңаць. Ңопой  
няридо’, Александр Тайбе-  
ри, ңэвадёвысь. Мякана мале  
ядембада чайм’ ңаворць ямб  
лахарёва” мэ”ңаваць. Мяд’ ерв  
вадамда тарем’ пядась:

-Тюку по’ яноць явм’ ма-  
даңгува”. Ңавна сие ниць иры’ 22  
яля’ пиркана тяханя’ хэсетыва”.  
Тедари’ таңгана то”олхава”, сы-  
рада мэё. Яля’ холкавы сырада  
пи’ тяха’ ханиберңа, нараңэ  
ханңа. Мер’ пяб”на”, танияна  
сырада мэё, нядэй сыра’ ңылна  
ңа. Тадңо” ңока тына” техэ  
яхадандо’ тамна тэвравдавэй”.  
Сидя сян яля’ хэ”мяхад ямда-  
ванзэ тасламбива”. Ңэсына”

тер” харад’ нямна ядэрңа”, та-  
рана ңамгэдамдо’ тэмдаби”.  
Хэвханана” мэна” нина” ңоб-  
тики таңга”, хибяхартава” ни  
паромбю”. Теневана” нина”  
ма”нисям”, нума” ңоб” мальңгана  
ядемдаңгуда. Мюсеб”, пу’  
хаюрма ңани’ вэва, тан”мы”  
хадохо” еребертан’, ңадьбьята  
эльцяңгананда етри’ ханаць  
тара. Явм’ мада”махадана” тика-  
ривна ңоб’ мюсеңгува”. Тяхаку’  
тэв”махадана” ңамгэ’ пират’  
сенасяламдава” - суюндаңгува”.  
Тикава” ңани’ тэтнава’ паңо,  
пили” тэхэна мэсь тарасеты.  
Тедари’ тына” поңгана нимы  
яхадейва” ңобкарт яңгу. Хахая’

мэна” нина” ңод” ңобтики  
тарця юнм’ ни” вадес”. Явм’  
мадабавана” ёльцяңгана мюва’  
пили” ямб ңэсеты. Мерета еся  
ханхана ханона” солабасетына”,  
ханяңэхэна саңговота ханона”  
ңахакуд тяханя’ тэволэйна”.  
Яханана” сабе ты’ ңэхэна мюсер-  
та яңгу, сыранда холка”махад”  
тына” мэ”элсетына”.

Тюку маниена сидяңгаха’ не-  
бой по’ тадтавына”. Тамальңгана  
сидто’ ңани’ яв’ тяха’ лакамбой-  
тамбиваць. Тики по мер’ хаясь,  
ңэдала”махадандо’ пудандо’ ңани  
нидо’ тяханя’ нэкалңадонзэ.

М.Ярой’ падвы

## Едэй пова” хурка ңэңгу

Хусувэй пова” ңамгэхэв’ ню-  
мам’ мэцеты. Теда’ Ңацекы”  
пом’ мэ”ңава”. Тад товандам’  
«Герой»” поңэ нюмдеван’ хар-  
вадо’.

Округна” ңэвахана мэна ерв  
тарця вадам’ мэ”мы. Тандая’  
Ямалхана манзараванда ням-  
на, Новой Уренгой харад’ ңар-  
ка соя”ма’ ялян’ хамекова’  
нямна, мяд’ тер” мэсы” ням-  
на лаханавы. Ненадовна Но-  
вой Уренгой самляңг ю” помда  
мэ”мам’ ваде”мы. Теда’ танияна  
сертабададо’ ңока, мимбада мято’  
ңани’ тьянё ни ңа”. Нямэхэна  
Россияна” ерв Владимир Путин  
ватом’ ңэдарась, падарм’ пид-  
теть, ңадьбьято’ манзара варемдо’  
мэ”ңа”.

Дмитрий Артюхов ңацекы”  
е”эмня ңадимдембада серо,  
марад”, нюдяко хардо” несэйм-  
данавам’ хэтвы. Таддикахад  
2025 пом’ Победа’ яля’ ед’, не-  
надо ненэцие” ед’, тикахад ява’  
лэтрамбади” ед’ нюмдеван’ хар-  
вавамда ваде”мы. Тики” хавна  
нюдя ңэ”мя пода тензибтевы,  
хасава нюнда нямна лаханавы.  
Мяд’ терха” табекуда хэтвы.

Тад тованда похо”на ңамгэм’  
пэрмава” ңахакуд тасламбидо’.  
Теда’ ңобтики 2028 по’ ёльцянд’  
ңэванда серо тидхалемба пывы”.

Анна Яптик’ падвы

## Есяхана нядабидо’

**Ямална” ты пэрти”, халядани”  
департамент’ манзарана” юнам’  
ңэдараць.**

Мат” ты вадабада предприятия”  
еси” няд”ми ня”маңгу”. Ма”ним”,  
тики” есьдо’ нянандо’ манзарана”  
ненэцието’ недбяңэ миць пиръядо’.  
Бензиндамдо’, тыто’ пардонад,  
тыто’ ңаварад (комбикорм, сэр”),  
тамна ңани’ тарана ңамгэдамдо’  
тэмда пирга”.

Тарця предприятия” ненадум-  
давы ты пэрңа”. Ты’ илам’ нерня’  
минревандо’ хавна ңэрм’ терха”  
недбям’ мипи”. Ңокханда пир-  
дырмахана сидя ю” сиднет мэван’  
харвавы”. Ңопой”, сидяндо’ падро  
нивыдо’ манэсар”, салдавдавэй”  
есьдо’ таниявы”.

Нямэхэна яна” законодательной  
собрания’ ңэвахана мэна ерв ва-  
дамда мэ”мысь. Дальний Востокм’  
няби Ңэрм’ ям’ нерня’ минре-  
на комитет’ тер” тасалковандо’  
эльцяңгана хуркари тэнз няд”ми  
мипа тарава’ нямна лаханавы.  
Тарем’ тарця серм’ минреван’  
харвани нядаван’ харвавы.

А. Хорэли’ падвы



# Юнета нява" тензебтембавы"

Ненэй вадава" падаркна мале  
жока по' ямбан' тая. Юнета  
нарка учёной" падарт' тэвра-  
донзь. Пили" нерденаңэ һани  
я' тер" ненэця" паднавы".  
Пыдо' е"эмняна" нули"  
нарка таром' ха"авравы".  
Сяхаринда тараб"нанда жока  
по" тяхана невхы ненэцяңгат  
намдавыдо' теда' тола  
пирьяна". Поңганандо' тарця  
нобе теневава": М.А. Ка-  
стрен, Т. Лехтисало.



Сидяңг. А. Япстик' табы

Сидяңг. В. Валенкова' нэдабтавы



«Вадава" намдоркава",  
лаханакуркава", нерня"  
минрехэва", - Мария Яковле-  
вна Бармич тохолкода илебей  
ненэцяңг" табекосеты.

«Мир знаний открывают книги, верьте им!» тарем'  
нюмдевы выставкахана падвы манзаида манэць  
пирмы".

Минревы манзаямдо' тамна' тяха'  
маня" яна" тер" пывэдо'. Ненэй  
ненэцяңгат вадава" лэтравана"  
няю' иланда ямбан' Мария Яков-  
левна Бармич манзарась. Сита  
ханярина илена ненэй ненэця" мал'  
тенева". Хибяхавм' тохоламбавы,  
тамна һани" пыда сита няць книги  
падыбавы". Сие ниць иры' 26 яля'  
соя"ма' яляда нэңгусь. Нэдьбятя  
манзарась яхананда, Нэрм' тер"  
тохолкось Институтхана сита тензеб-  
темба нобт' ма"люрмы". Учёной",  
һацекеы тохоламбада", тохолкода  
студент" сертавы манзаита нямна  
лаханавы". Тикы' хавна тамна  
һани нэрм' тер" вади тохоламбавы"  
учёной" хурка таром' ха"авравамдо'  
ваде"мы".

Ямал' тер, Светлана Ивановна  
Тусида вадамда интернет' мутрам'

няд"мяць мэ"мэда. Луца вадахад  
ненэй вадан' падвы манзаита"  
нямна лаханавы. Тикы" тарця"  
толаңгобць": «Евангелие от Луки»  
- «Лука падвы Маямбабцо Юн»,  
«Иисус - наша жизнь» - «Иисус  
маня" илма"», русско-ненецкий  
словарь.

Сёяха' школахана манзарана Ме-  
ретья Григорьевна Тусида нобтикы  
мякаданда вадида нэдарамбавыда.  
Вадавнанда, нерняңы илма"  
минреванда" - һацекеы", илебей  
ненэця". Нэдьбятю' школаханандо'  
яңга «педкласс» тая. Нэркамбой  
классахана мэна" нюдямбой нидо'  
тохоламба тохолкурца". Ханяңыдо'  
таңы ныланавандо' мал'һангана  
самляңг - мат" потна нидо' шко-  
лахана тараванда теневабцохо"  
тохоламби". Няд"маңэ харе" ненэй

вададо' тара. Хусувэй урокахана  
юнета учёной не' падвы толаби".

Сергей Алексеевич Мызников,  
Нэрм' тер" Институтхана манза-  
рана, Мария Яковлевна' нямна  
вадамда мэ"мы. Иланда ямбан'  
ненэй вада' нямна падвы манзаида  
ваде"мы. Гашилов Аркадий Ива-  
нович һацекеы" е"эмня падвыда  
тензебтевы.

Мария Яковлевна ненэй вадава"  
нерня' минревы не. Нэцекеы" е"эмня  
падвы толаңгобцяда самляңг юкад  
ва"һа". Тикы' хавна ненэця' вадав-  
на нэда словарьда тая. Хусувэй  
школахана ненэй вадан' һацекеы  
тохоламбада" ялэхэ" мэ"ядо'. Яна"  
тиңгэвна тохолоавы ненэцяңда пир-  
ханда жока, ханярина табекуда нэда  
манзара": Ямал' нэрдэва, Нэрка  
я' няна, Таймырхана, мал' сава и'  
нукана тензебтембидо".

Г. Окоэтто' падвы

## Ирина" вада Я' мал' нэрдэва со

Нэвхы" похо"на паднавы не-  
нэцие етри' тенейдо'. Нюдэкоця"  
тохолкода" иринато' падаркана  
хаёвы хайнана вади тохоламби".  
Е"эмняндю' хусувэй по' «Лап-  
цевские чтения» пирдырмам'  
сертаби".

Тюку по' сидя юр" пир" ненэця"  
пыхыдадо' пирдырман' падвыць.  
Поңганандо' һацекеы", нэрка  
ненэця" таянэць. Сямянхат нюдэто'  
самляңг подонзь. Юкад вата си"ив  
по' нэсонд' нэда" харто' помнандо'  
пирдырһаць. Сиднет поход нэда",  
тикэхэд подо жока" яңга мэць.

Сертавы" видеодо' интернет'  
мутравна нэдимдембидонзь.  
Манзаидо' манэсартаңэ тарана-  
ха"на нули" тоенавы. Поңганандо'  
хуркари" ва"лэй" таянэць". Нена-  
довна тэравы" стихотворениядо'  
сидто' нэра" ненэцяңд' таславы"  
нэбто' таравы". Нэрка ненэця'  
ваде"ма то"олхам' һацекеы ва-  
дець нивыда пирас". Тикахад  
таборци" лаханавам', харе" сэв-  
ха"на манэ"мэдрев' ваде"мам'  
саву"мы".

Хусувэй Ямална" хардахана  
Леонид Лапцуй падвы теневайдо'.  
Нэдьбятя яна" ханярид нэда"  
манзаидо' нэдаравыдо'. Нэпойдо'  
Виктор Яндо Тасу' я' тер нэвы.  
Пыда сиднет понда нэб" нод"  
иринда падвым' саць сававна  
ваде"мэда. Ёрма' нямна, тоенана"  
по" нямна лаханавы. Харта  
иле"мямда вадетарха нэвы. Хэты-  
бадида сеян' тебермы". Вадетида  
сэван' нэдибертарыха" нэвы". Пэда-  
ва нэванда нид сита нерня' мэвы".

Ненадумдами ня"амвы мале  
жока. Хусувэй номинация-  
хана нэхар" ва"лэй". Тикахад  
ханяңэхэ"на нэуртей ян' сидя  
ненэць' ха"ма һани' пир"мэда.  
Ненэй вадавна лаханавы яңга  
есясяда ненадумда"ма' падаркана  
ми"мыдо".

Нэни похона пирдырма һани'  
нэңгу. Нэхакуд Леонид Василье-  
вич падвым' тохоламба пэбта"  
ненэся ябдаңгуда". Мале теда'  
хамекуда".

Анна Япстик' падвы

## На Ямале можно будет получить вознаграждение за установление виновников лесонарушений

В 2024 году в округе введена  
новая мера, благодаря которой  
ямальцы смогут получить воз-  
награждение за установление  
нарушителей природоохранного  
законодательства.

Жители округа могут направ-  
ить информацию о виновни-  
ках:

- незаконной рубки, поврежде-  
ния лесных насаждений;
- загрязнения лесов сточными  
водами, химическими, радиоак-

тивными и другими вредными  
веществами;

- незаконной добычи полезных  
ископаемых;
- размещения твердых ком-  
мунальных отходов, отходов  
производства и потребления и  
подобных им;
- возникновения лесных по-  
жаров.

Так, за информацию о вино-  
вниках лесных пожаров ямальцы  
могут получить 20 тысяч рублей,

а за всю остальную информацию  
5 тысяч рублей.

Направить информацию о  
виновниках незаконной рубки,  
нефтеразливов, незаконной до-  
бычи полезных ископаемых, а  
также возникновения лесных  
пожаров возможно посредством  
электронной почты - DPRR@  
YANAO.RU или заполнив специ-  
альную форму на сайте департа-  
мента, в том числе посредством  
мобильного приложения «Госус-

луги Решаем вместе», а также  
воспользоваться Q-code для по-  
дачи сообщения о нарушении:



# Тодо" яха"на илена" нэрм' тер" ма"лы"

(Нердена пеляда 1 стр. џа.)

Џатевы фестивальдо' џавыдота џавар" нямна џась. Тамальџгана тамна џанэкурмандо' мальџгана сырманда" мале хэвхандо' нуль-ядаць. Ямал' тер" нито' пуд тольдо' џабтэйдонзь. Хусувэй џавар" мал' тикахана таянар-хаць. Ты' џамзахат пиревы", халяхад талтавы", ты' џэвахартм' тэвравыць. Сямянхат џавыдота џавар" таян' мал' ма"лавидонзь. Сэротавы халэ хуркари тэнз" тэвравы", ханесэй" џамза џани' нивы янгу.

Камчатка' няд товы не" џока џаврадо' икад џэда џамгэхэт пиревы џэвыць. Няръяна халя, юр" таянвыць. Ехэрана ненэцяџгавахана тарцям' џаворп", тив" таминда есьма то"олха. Тарця ехэрана џавэ то-са џаворць серо"џа. Тарем' ненэця" нидо' нерцемба тики нина" толь' няю' сюрамбиць. Тэри толь' ниня џэда џаваро нито' ирмня нэкалпидонзь.

Конкурсхана мэна" џаврадо' манэ"лабтавандо' хавна тамна џамгэхэт, ханзер" сертавы џэвадо' вадецъ тараць. Хэвандо' нерня' Ямальской районхад товы нина" толяндо' ниня таџок џаврахат вэя хыдари хаёвысь. Тики ненэцие" поџгана џопой ной панытана нем' ядабтадм'. Хонрав: «Пыдар џока нит понд' нин сас"?» «Яб-тов, ханзели" џаворман' харвабат, поџгандо' сыџыто' янгунё. Мань си"ни то"олха ненэцяџгавм' таминдо' тантадо'», - Светлана Окоатэто Ямальской районхы Сёяха выџгад ядэрта џэвы. Ямальской район' няд товы нява" - Сёяха' вы тер. Пыда мядонди надорць, тэмбой мимба тохоламбуванзь товы. Нерцобт' сяхаџгарт' џарка ян' тэворо"мада янговвы. Тарем' мась:

- Яля' ямбан' џэни ниня нусь пэдэйв", Сёяха' выџгана сяхаџгарт' таџок ненэциам' манэ"сомами янгу. Ненэця" сохо' я сяр' ниня мал' џобт' ма"лёвакы"? Тэри пысаџгадм'. Тарця выставка сава џамгэ џэвы, си"ив



Сидягг": М. Яр' талтавы"

нэй ненэця" џокаць. Ненэйвана школаха"на тохолкурта" џацекы" тарця ненадо' фестивалъха" турмадо' сава. Тазовской район' тер" Џэда хардахадандо' «Мараџга» ансамбль' тарани тэвравыць. Пыдо' ненадо ян' товамдо' џули" саву"џадонзь. Џоб" таранадо' Анфиса Ярой' тарця вади" хэтась:

- Маня" нердена яџорэй' џа"и ян' тэвыва". Џахат районна" марад' ёльцяринд' џэдалёрцетыва". Теда' мал' џэбана" хамедамбива", харе" ила' саирм' нерня' минрева џобтики тарана сер" џэвы. Невхы иринана" вато нёдабана" сяхаринда яля' няю' џэда сехэрэн' ха"маџгува". Тюкона ядэрмава" џод" џобтики тарця тарана џамгэ.

Выставкава" тикан' тамна ни ёльце". Нерняна тамна сидя яля хаи. Хибыя нерня' ха"амвата' ёльцяџгана пунумда. Тики юнм' вадамбой' џани' вадетава". Си"ив яля џэвы серона" џопой газетахана падва' сер' ни" џа". Сидяџгаха"на таяна мэвы ненэцие маниеда".

я' тер мал' манэ"ян. Хуркари" џэвы".

Светлана Янгалевна џопойриџэ

тернэ џопой иџудм' нёдавава" џули" пои.

Хынота", тарани" поџгана не-

Марина' Яр' падвы



Ҳарка я' юн

# Пичков' манзайи падтамбавы"



Ненэцие" Елена Первакова, Наталья Канюкова ма"лэйдинзь. Пыди" һацекехэ"на манзараһаха'. Ваде"һадинзь, сяха' теневапа паднапам' торомдавэхэ', ханзер" книгида манзая"мэхэ'.

Ненэцие" округхы библиотека-хана толаһгова' серм' харвабтана Ҳэрм' отделкана ма"люрһаць. Тюку мэвахана Алексей Пичков' со"яма' яля' нямна лахарёдо' һаць. Хаювы ирий' няхар" юдимдей толыркана паднана няна" 90 пом' ядабтаваць. Ҳэрм' отделе-кана манзарана няхаюна" Зоя Ивакилева няби Надежда Талева «Толанго книга» клубхана мэна ниди' няць һобт' тэворһаць. Пичков' манзайи падтамбавы" художник" нямна лаханаць.

Алексей Ильич' падвы манзайи округна" хибяри" сававна теневадо', сейханато' мэйвна һа". Падвыда толабава' ёльцяһгана выһгы ява", хойхана мюсерта" тыбэрти" илм' маниенарахава" һэсетыва".

Алексей Пичков' падвы ханярина илена" һарка ненэцие", һацеки" ивня һа". Ҳыхы похот илна" пусканэ хэвы". Пыда һацеки" е"эмня паднась. Сававна теневапина" - «Розовый узор», «Сятук», «Едем в тундру на оленях» ...

Хусувэй падтавы книгада ивьер' сертавы, падтаһгода" манзая" сэвхана маниесь лимбьяка. Юкад вата падтаһгода" Алексей Пичков' манзайи" падта"ма сертабавы". Поһһгандо' Николай Наговицын, пыда «Далеко Сэрне моя живёт» книган' падта"ма сертавь. «Тропы Оленьи»' падта"ма падвы, теневапа художник Григорий Рыбоконе, «Сятук» нертей мэвна

1969 похона тарпыць, Рудольф Климов' падтамбавэда. Тамна һопой падтаһгода Сергей Сухин, «Родные напевы» книга' падта"ма сертабавы, Евгений Зимириев «Едем в тундру на оленях» книга' е"эмня падта"ма хамадавы.

Маня" яна" тер" падтаһгода" Алексей Пичков' падвы книга" падта"ма һани' падыбиць. Наталья Канюкова «Эту песню у ветров подслушал утром» тарем' нубета книгам' падтамбись, Елена Первакова', сидя книгамда манзая"һаць - «Не гаснут в небе зори», «Сыновья метелей». Тамна Пичков' манзайи" е"эмня падта"ма сертабавы - Надежда Выучейской, «Мне вспомнилось детство», «Сятук» несэймдавы книга' падта"ма" -пыда манзайида. Ямалхана илена" падтаһгода" «Куда бегут олени» книга' падта"ма сертабавы".

Ненэцие" Елена Первакова, Наталья Канюкова ма"лэйдинзь.

«Мань Алексей Пичков «Сыновья метелей», «Не гаснут в небе зори» книга" падтама сертабидамзь. Тикы' нерде' паднапам' ехэравась. Сян' пиркана Любовь Царькова си"ми книга" падта"ма падбась хаһась. Алексей Ильич - маня" яна" тер, теневапа падтаһгода. Пыда книгида падтамбась пыда си"ми тэврась. Нерде' мань паднана' манзайи толэйнась, яна" нямна паднавада ихин' мэёвна тебыць. Тикы' пуд манзарась пывась, сидя книга' падта"ма сертадамзь», - тарця вади Елена Первакова хэһась.

«Няръяна март' то"махадан' Алексей Ильичм' торомдавась. Культурахана манзара пывась, тамальһгана паднана нява" ЭК-Центрхана манзарась. Тикахана пыда хэвхани' тось, лаханась. Мани' һопой я' терни', Канин' хойхад перевэни'. Алексей Ильич һока һамгэм' теневапа һэ"нисьяв - иламда, манзаравамда вадецеты. Нямбара хибяри һэвысь, хэтувндада пили" таясеты, Ленинград маркана тоходанава' пода тензебтембасеты. Нянда инзелесь мэкад һэсеты», - тарця вади" Наталья Канюкова хэһась.

- Һоб" мэва' пыда си"ми хонра, книгани' падта"ма сертавь тара", пыдар нин' сертаһгу"? Тарцяма' намдась, маив", падвы манзайида мань сававна тенева-нась, ихинан' саваць. Маня" яна" нямна һокавна паднась, һацекеһэ таямна һэдалёрһадамзь, Вижас' һэсыкоця' нямна падвэда тая, мань таяна мэсетым'. Канин' яна" нямна падвыда, сейханани ёльце сава"...

Алексей Ильич Пичков' падвы книга падтамбавы хибяри" тяне ниць һа". Хусувэй падтаһгода ивьер' манзарась, мал' манзайидо' сававна сертавы". Книгам' толабаб"нана" тарця падта"ма манэ"сарцетына". Мале' һахакуд' я' илм' хаэвы. Тарем' һод" сахарамбада паднава" пили" ихинана" илеванда.

Юлия Талева' падвы

## Едэй" няд"ма" һадимы"

Ямалхана һока нюсавэй, маһгаба илена ненэцие" е"эмня һадимдембада няд"ми һокамдавыдо'. Тарця вато" ты" ниць иры' нюртей яляхад ныхысавэйһэ ханда".

Һока нюсавэй мяд' тер" илесь хардандо' ед' салдамбада" есьдо' (коммунальные услуги) 30% пирувна пуныа' ня"марпидо'. Теда' тамна һани" ненэцие" ня' мал' һобанзер" мэта мято' сулорпа мэ"мы" пуныа' салдамбаһгудо'.

Ненэцие" һацекието' тохолко мэта ембдарт, паднабцянд, тамна һани' тарана һамгэдамдо' тэмда пир"мандо' е"эмня есяхана мипаһгудо'. Хусувэй һацекеһэдо' ед' 15 ёнар" еся таславы һэһгу. Һокханда 47 һамгэри' нюм' тикахана пады. Электронной сертификатм' ня"амва' е"эмня маһгты" иры' 1 яляхад носиндалава' иры' 30 яля' һэсонд' округна" «социальной защита» сайт' сер' падарм' пада тараһгу. Тикахад «Морошка» карта таяһта серота. Есь" пэһсье' «Мир» карта няданда переһгу. Ня"амвы еся" һарка пэвдей иры' 31 яля' ёльцянд мэць серота".

Округна" һэвахана мэна ервана" табековна маһгабарка илена" мяд' тер" тохолкода һацекеһэ" (15 ёнар" еся хавна) вэба' иры' 1 яля' ед' 5 ёнар" есям' мипаһгу". Соцзащитахана падродо' таяна" тарця няд"мам' ня"марпаһгу". Тикахад падродо' тандая' сертаба пывы" һобтикы няд"мам' ня"ма пиртадо'. Тикы' е"эмня маһгты" иры' 21 яляхад соцзащитан' ханда".

Ява" лэтрамбади" яляхана мипада" няд"ми һани' несэймдавыдо'. Сайнорма' серкана яһгумы ненэцие' мяд' тер" һани' няд"мам' ня"марпабто' серота.

А. Хорэли' падвы

## Ханевам' мале ваде"ла"

Яханана" сырада тамна мэё һэбата һод" хасава" мале таһы ханева' нямна идо' ядэрһа". Тад һо" ханесэй" нямна сава юн намдаваць.


Округханана" һа"һон' ханеван' харвана" падродо' мале ма"ламби". Һамдладһэ инян' сярвы илена һа"һо мэт" ним". Тарця ханевахана сидяхад һока ханена һэбата ни тара". Тикы вато' тыха' хэвы ненэцие' сидя сян по' ямбан' хане нидо' һэдарамбаһгу".

Нара' илена һамдладо' мэць һоб" иры ханеһгу". Ты" ниць иры' 9 яляхад, маһгты" иры' 9 яля' һэсонд' ватора".

М.Яр' падвы



**Выңкна, петалахана дидина" неша" дилхантуң талана" намыгатуң калдытуң шелташту". Ненэй мят меш, паным хайташ нука намы тада". Талям' маня" Ямалханана чуувна мансланна" нешаде" «Устойчивое развитие КМНС ЯНАО» ними-та программна нятапитуң.**



Татма: Лариса Айваседо таттамы

Нэдм' чел" нешади" деттондюта управленихиң ведв Маргарита Маслова маңаш: «Чуки похона Пуровский' районхана шеэв дянкня миллионхат вата вешахана дety намыку" тэмтаңаш". Нешаңк мичилпёчитоң һопшел мат' дянкня тэмс намыку" - тухис", прашин", кэл", топдыа", шанат тэмс ной", латку", поңка", һай һыди дилант талана" намы". Кимя патал - заявленим' патса, чики неша манде намыку" нямадпи"».

Чуувна нука намы талашту. Лапкахана выңкайдилантталана" прашин", тухис", кэл" денял дякошту", һопу һычимпатоң - милдешту". Тат' һотнаң кусамы намым лапкахат тэмтаны. Талям

мята чел" нука нешаңкна, пенши-хина мэна" вёкохона", пушахана" таньше нятакома хома. Нуп похона шанат мят чел" дety намыку" нямашту".

Управленихина мансланна" маньшту": нешаңк мичилпёчитуң намыкутоң шан' пон таслёматуң срокутоң тадя". Прашин, тухис шича пуң нешиң мэтһата, бензопила чет' пон тунды, электрогенератор' хамплянк пон тасламы.

Чикиң камна чуувна дидина" һашки неша" «Чумовой капи-

тал" нямадпи". Чики һупчики талана, хома нятакома шел. Ненэй мят дет һайта капитал' милта хамплянк' дюл дёнал вешахат нука. Таньдет нуп мят шелтама һок намыку" тунды" - һу", мымай, прашиной дедя", кэл, пй латку", шича кан'. Талдыша ненэй мят' комплект' няхамты нитуң дяляманымы һашки нешаңк тунды.

Пуровский' районхана чуки похона талдыша ненэй мят дет һайта капитал' шича дю" шича һашки неша" няамны". Четаң

выңкна, петалахана тытуң паделдыш, калдиташ мансланна" неша" дялитахана һайвашту", милдыш денял һудютуң дякошту. Талям ненэй мят' комплект' няамма чуувна дидина" нешаңкна" хома шел.

Пуровский районхана һопшел мат' деналкат нука Нэдм' чел" неша", нукадёмутуң выңкна, петалахана диле", ты" паделдыш, калдиташ манслаңа".

**Лариса Айваседо патмы**



## «Едэйко» нядангурҗа

**«Едэйко» нубета программа 2023 похона һадимдевы. ООО «Газпром добыча Ямбург» нерня' тидхалембида. Нянандо' манзараванда илебей ненэцие ма"ламби", тохолкованзы һэдабтамби". Тарана теневабцодамдо' ня"амвандо' пуд манзарась ядо' мале таниягу.**

Ненадовна һэрм' тэнзм' мэта" е"эмня минрена сер". Новоуренгойской многопрофильной колледжхана няби ЧПОУ «Газпром техникум Новый Уренгой» тохолкось яхана тарана манзаи тохоламби". «Едэйко» программал' минрена" Ямал' тиңгэвна ООО «Газпром добыча Ямбург» компанияхана хурка манзая" тэнз" таравам' ваде"һа".

Тандая' тики проектм' тидхалембада" һани' һацеки ма"ламбавы". Табековы һарка нито' поңгана юнета яна" тер, Илья Сэротэтто мэвы. Манзаянда тэнз «оператор по добыче нефти и газа» нубе"һа. Пыда минрена серота нямна лаханавы. Тики' хавна инда харвабцовна сертабада манзаида ваде"мы.

«Едэйко» нубета проект пудана по школахана тохолкода һацекеһэ" таславы. Сававна тохолкобот' яңга еся няд"мадо' таниягу, «производственной практика»м' ООО «Газпром добыча Ямбург» компанияхана мэтадо', тохолковамдо' ёльце"махадандо' танияна манзаядамдо' хоңгу".

**Г. Окотэтто' падвы**

## Илебцие сяйдо'

**Россия' тиңгы учёной" и" харвабцохо"на Ямалханана" илебцие" е"эмня сянда ям' сертаван' харва". Тарем' илебцие" һокадм' лэтраванзы, вадаванзы ятна". Мэ"мы семинарханандо' интернет' мутрам' няд"мяць тасалкурҗаць.**

Сяхаринда худһанго' илебцие хадабаб"нандо', вадамбой' ханесэй" нули" тянюмда". Сянда ямдо' Тазовской, Красноселькупской район' няна сертаван' харвадо'. Танияна сямьхат һока илебця" мэ". Ваднанда һани' тарця сянда ё" Ямална" тяхана латамдаванзы харвобга".

Учёной" ватовна Красноярской крайхана сянук һопой ненэця' хадабавамда, сяха' ханевамда һани'

һобкана тасламбаван' харвадо'. Тарця серм' Ямална" һэвахана мэна", Арктикана" Научной центр' тер", һани учёной нидо' няд"мяць һобкана минребато' серо"һа.

Сянда ям' сертава' няю' ты" саполана ирыхына экспертной совет' ненэця" тасалкурҗаць. Та' мальһгана округна" һэвахана мэна Дмитрий Артюхован' вадам' мэ"һа": «Округханана" тасиримна нара' сырахана илебцие хадабада" тания". Ям' сяманямна манзарана" департаментхана тикым' тамна тяхасовна тохолаңгудо'. Тад нерня' тарем' һобкана тасалкурҗаць, серона" нерня' минре пиртына".

**М. Яр' падвы**

Сэван" тяхад си"ив салте"э то' тирлихана маня" илевэва". Сэван" тяхад си"ив салте"э то' тирлихана няхар" нинеками - няхар" Хэнокоми тајоту', сыриту' халяком' пэрња", хорако пэрња". Мань манзван няхар" Хэнокоми" не папаком' нэриданакэм'.

Няхар" нинеками - няхар" Хэнокоми тюку" цокханду' мал' несавэй". Царка нинекани нанькода нюдя - нюдя таня"нив". Сидя нюдя нинекахавани нюди" яцговы".

Ини то"махад мяна" хэвхана тэва" яцговы. Мяна" хэвхана валакада няхар" ю" вэтавэва". Няхар" ю" вэтавэва" цамзари" пан"ца", халяри" пан"ца".

Тикахава" тамна цэись, маня" хурка тэсьбана" цод" хор"на" лэкоци сиби" минхат, нуво" минхат хэцго" лайна"нэ".

Таңы" мальцгана халяком' пяб"на" си"ив салтана" халякода цока. Сыра" мальцгана хор пяб"на", носи пяб"на" хыйва" яхана хоракор цока, нохокор цока. Таңы хадавы" халякуна" няби талихату' таңга тэврисетыд". Сырэй хадавы" хор"на" цамзако" няби сырахату' таңга тэврисетыд".

Няхар" нинеками - няхар" Хэнокоми нуво" тајомлиб", си"ив салтанду' халякорин' мо"нарисетыд". Нуво" сыримиб" цани' хора ханекорихинду' мо"нарисетыд". Пыдо' ти хадри" цамгэ таняда тэхэнанду' хане пэрмана": тајоту', сыриту' нэриду' хано"ца". Цод" тарем' цод" хора" ханекомду' няна" пир"цаду'.

Сянд" илиба"на" тарем' мэнаханда ти си"ив салте"э то"ява" марома. Няхар" нинеками цока сян мэва" иб" ёрманз хэридацеты", нилак" нюкцяхартм" цули" нисеты" хада". Тики тарця цэсь ти няхар" нинеками си"ив салтамду' тябибтаду', хора ханёкорин" пили" мо"наяд".

Хора ханёрин' цамгэ мо"наб"нанду' цод" нацадя похорт илевы цэб"на", ниб"на", хыйва" я"ява" си"ив салтамда хэтыдотадарев', цани' мароманё".

# Няхар" Хэно



Цамгэнда хана"ма нэридаб"нанда цули" нива" хамадамбю". Таңы" мальцгана халяком' пяб"на" халякор яцгу. Сыра" мальцгана хор пяб"на", носи пяб"на" хоракор яцгу, нохокор яцгу. Няхар" нинеками цани ханя-цэхэ"на ёрманз, ханеванз иб" хэридацеты" пэвсюмы" няна сидяри цудари минарць торидасеты". Тарем' иленяхана" невхы ва"лавы" цамзакуна" тюку"ли" цамъяна".

Цоб" илевава" нивыкы ца", сяны" цэбту' хувы" цэвы". Няхар" нинеками хув' мервана ханеванз тикынду' хая"нэ". Цамгэ хэб"нанду' цо" яля" ямбхана сыцгрэду' яцгу. Нув' пэвсюмз ти царка не нябами сэдоро"ма яхаданда нивда сюръяда. Манз ханацада:

- Пудана нохони хэвком' хадри' пирецгодакэм'.

Тикиринда цо" едтольа"нэ". Едцэ цамгэ пон пинвы цэвна, пина ёльцей". Една" пиридахава пихий пихиня мяна" ханзовна цэ" мун" товонду'. Тикиринда цо" цо"лири хасава нэм' тядэда. Царка нинеками нэридаривы. Царка нинеками мят' тю"ма минда ва"авконда ни' пэдорць цамды", мамбта масьнэ":

- Яля' тюку яля' хабэвку"ни есье манэсарцаманз, цули" цопохорт нивы ерев". Тад цо" цэсь цо" яля' ямбхана хуна хухуртахана цопой хабэвко'



цукартм' цули" ним' хо", едэй ха"амвы цэлта цэвады.

Царка нинеками цамгэ лаханавамда ёльце"махаданда маня" цаволына". Цамгэ цавормава" мале"махадана" мань тарпьюв", пин' тарпьюв", ёнэ нинекани мяд' няна хань" ханям'. Ёнэ не нябами тамна нивы едат", сэдораривы. Мань мят' тювани сер' нивда сюръяда, едторць тикында лабцей". Пыда тарем' ма:

- Пудана халяни хэвком' пирецгодакэм'.

Тики тарця цэсь цамгэ пон мэвы цэвнани', цаво" нирлихана пихий пихид ёнэ нинеками нэм' тедэда, мят' тю" нив". Ва"авконда ни' сидя цюсипой" цамдахая"нэ". Манз ханацада:

- Халэни" нямзэй ватабидамз, цули" цопохорт халяко нивы ерев". Цамгэнда хана"ма нэридаб"нанда нив хамадамбю".

Ёнэ нинеками тики вадида мэсо"махаданда цаворць лабцейна". Цамгэ цавормава" ёльце"махадана" мань цани' тарпьюв", пин' тарпьюв", нюдя нинекани мят' тюманё". Нюдя нинеками тамна яцговы. Нюдя не нябами тумда пятаба мале лабцевы". Мань мят' тюнацэ си"ми манэ"лись пыда ханацада, манз ханацада:

- Пудана тэняни хэвком' пириба пям'.

Нюдя не нябами цаводикы"мана ят лаханаку. Тарем' лаханакуртахани' пихий пихид нюдя нинеками мят' тю" нив", ва"авконда ни' тарензясипой" цам- дхая"нэ". Пыда тарем' ма:

- Яля' тюку яля' пя яцгукуни манэсарцаманз, цули" цамгэхэрт нивы ерев". Цопой нохокохова иб" еремысь, тикыехэртами цабларавы". Манзвя тюку хосяда сер"ямд цули" нив хамадамбю", цамгэнда хана"ма нэридаб"нанда.

( Пелямда цадиманда газетахана голара")

1940 похона  
А.С.Тайбарей' вадемы  
З.Н. Куприянова' падвы  
«Ненецкий фольклор»  
книгахад ханавы



# Табекуда мин'ҕацъ

**Неновна вадам' тенева  
ненэцьяма" җоб" тянёмдана.  
Тандая' вэва юнм' намдаваць.  
Сие" ниць иры' 28 яляхана җани'  
җопой ненадо нява" пилибт"  
хаясь.**

Нейко Максимовна Янгасова җэрм' тер" поҗгана җули" юнета ненэцянзъ. Илеванда ямбан' ненэй вадам' нерня' минресь. Пыда сита пирувна ненэй вада' грамматикам' хамедамбада яңгусь. Вадам' тохоламбада", паднана", юне тэволанаңэ тарана", җацеке тохоламбада" етри' няданда хонаркосеты". Хусувэй хибям' сававна табедасеты, тид" җэда табеком' хэтсеты.

Нейко Максимовна неняңг' иры' юдимдей яляхана 1938 похона Яраңо фактория' хэвхана соявысь. Иламда Езынги' мяд' терхат пывэдаць. Мято' терңэ юкад вата җобто' җэвысь. Нюдя җэванда мальҗгана маңгаба, маяндорць илевыць. Тохолкова' пирңэ хэ"мяхаданда Щучье хардан' ханавэдонзъ. Си"ив по' тохолковы, тохолкова' сер" нянанда нензел" җэвы.

Падарт' харбё не җацекеңэ тас-

ла Ленинград март' җэдаравэдо'. Таниянанда нюрте"э' школахана тохолковы, пуна педагогической институтан' пывэда. Тикыда мале"мяхаданда Катровож хардахана биологиян', географиян' җацеке тохоламбавы. Тиканда хавна Нейко Максимовна ненэй вадамда техэ паңгаханда теневаван' харвавэда. Манзаянда ирмня ненэцяңгат лаханако, хобцоко, невхы иле"ми падыбавы. Ма"лавыда ненэй вадан' тэврамбавыда.

Нейко Максимовна Салехардан' тэв"махаданда санаторно-лесной школахана няхар" по' ямбан' танияна манзарана" ненэцие җамгэ' мянувна ненэй вадавна лаханако тохолавыда. Пуна җацеке тохоламбудандаңэ тохолкурти" училищан' хэвы. Иле- бей ненэцие ненэй вадан' тохоламбавы. Тикахад ненэй ваданда грам- матикам', тамна җани вади" хара техэ паңгахаданда тохоламба, тасламба пывыда.

Вадана" нямна җока тарана учебник падвысь. Вадамда иланданда таславэдаць. Җарка манзаянда ирмня Городской Советхана, Окружком' Советхана мэвысь. 1978 похона тодо

яхат товы" җацеке тохоламбади" съездахана лаханавысь. Ханярина ненэй ненэцие" поңгана юнда сосеты. Җамгэри манзаям' пяб"нанда етри' инда ядан' манзарасеты.

Мань сяхаринда Нейко Максимовна Янгасовам' манэ"пани етри' тосасетыдм'. Няни ма"мандарха җэсеты, вэнзарарка" падвэр, несэйвана хэтбат тарась. Тэри мунзипой" сяхаңгарт' ядуванани ни хэсету". Ваде"мандада, хэтувандада җоб' таясеты. Вадида етри' ненэй вадана" нямна җэсеты".

Нейко Максимовна ненэй вадава" мэ"мана", лэтравана" нямна лаханасеты. Җоб", сидя по газетаканана" җани' манзаравысь. Окружканана" җод" сита ёльце сававна теневаць. Сита



пили" тенеңгува". Табекуда нина" юрибаңгу", манзаяханана" сяхари' тараңгу".

**«Няръяна Җэрм» газета,  
Главной редакторүэ тарана  
Марина Яр' падвы**

Региональное общественное движение «Ассоциация коренных малочисленных народов Севера Ямало-Ненецкого автономного округа «Ямал-потомкам!» выражает глубокое соболезнование родным и близким в связи с уходом из жизни почётного гражданина Ямало-Ненецкого автономного округа, отличника народного просвещения, ветерана Ямала Янгасовой Нейко Максимовны.

**Янгасова Нейко Максимовна была делегатом I съезда Ассоциации «Ямал-потомкам!». Она по крупицам собирала произведения ненецкого фольклора, даруя им «вторую» жизнь, транслируя их красоту и мудрость, сохраняя ее для потомков.**

Светлая память о ней всегда останется в наших сердцах.  
Скорбим вместе с вами.

**Региональное общественное движение «Ассоциация коренных малочисленных народов Севера Ямало-Ненецкого автономного округа «Ямал-потомкам!»**

Печальная новость. Не стало **Нейко Максимовны Янгасовой** – коренной северянки, всю жизнь посвятившей изучению ненецкого языка.

Нейко Максимовна Янгасова – почётный житель Ямала, лауреат специальных премий губернатора ЯНАО, обладатель различных премий за пропаганду культурных ценностей коренных малочисленных народов Севера.

Приносим соболезнования родным и близким.

**Редакция журнала «Ямальский меридиан»**

Не стало почётного жителя Ямала, преподавателя, автора-составителя и редактора сборников ненецкого фольклора, сказок и легенд на ненецком языке

**Нейко Максимовны Янгасовой.**

Нейко Максимовна Янгасова родилась в 1938 г. на фактории Ярано Приуральяского района. Окончила Ленинградский педагогический институт им. А.И. Герцена.

Она всю жизнь посвятила изучению и сохранению языка ненецкого народа, пропаганде культурных ценностей коренных северян. Под её редакцией выходили ненецкие сказки и эпические песни (сюдбабц, ярабц), ненецкие «лаханако», а также учебники ненецкого языка.

Жизнь Нейко Максимовны – это бесконечная преданность выбранному делу и служение родному краю. Светлая память об этом талантливом человеке навсегда сохранится в наших сердцах, а её имя останется в истории ненецкого языкознания.

Департамент выражает искренние соболезнования родным и близким в связи с безвременным уходом из жизни Нейко Максимовны Янгасовой.

**Департамент по делам коренных малочисленных народов Севера Ямало-Ненецкого автономного округа**

Газета «Няръяна НЭРМ»	И.о.главного редактора Яптик Анна Владимировна	ГЕНЕРАЛЬНЫЙ ДИРЕКТОР АНО «ЯМАЛ-МЕДИА» Зулинова Мария Андреевна	№ 18 Подписано в печать 2.05.2024 г. Вышла в свет 4.05.2024 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708).		Тираж 3616 экз. Заказ № 0699 (тираж 1581 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнуныяца, д.1, каб. 106 Фактический адрес: 629007, Ямало-Ненецкий автономный округ, г. Салехард, ул. Чубынина, 39А		Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)		Заказ № 0699/1 (тираж 2035 экз.) отпечатан в АНО «Ямал-Медиа» 629309, ЯНАО, г.Новый Уренгой, ул. Северное кольцо, стр. 2/4). Газета выходит по субботам.		В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559				Адрес редакции: 629003, ЯНАО, г.Салехард, мкр. Богдана Кнуныяца, д1, каб. 106 тел. (349 22) 4-53-32
				E-mail: nn@yamal-media.ru